

Surat khabar: Utusan Borneo (Tempatan)

Hari/Tarikh: 24/9/2013

Muka surat: 13

Tajuk : Kolokium Siswazah Dan Karnival Bahasa Di UNIMAS, 24-25 Sept.

## Kolokium Siswazah dan Karnival Bahasa di UNIMAS, 24-25 Sept

**KUCHING:** Pusat Pengajian Bahasa (PPB) Universiti Malaysia Sarawak (UNIMAS) akan menganjurkan Kolokium Siswazah dan Karnival Bahasa kali yang kedua pada 24 dan 25 September.

Menurut kenyataannya semalam, edisi tahun ini akan mengetengahkan tema 'Colours of Languages' bagi

menandakan kepelbagai dan keunikan bahasa.

Acara yang akan berlangsung selama dua hari itu bertujuan mempamerkan kursus bahasa yang ditawarkan di PPB, termasuk bahasa-bahasa Mandarin, Perancis, Jepun, Arab, Melayu dan Inggeris.

Setiap kursus akan mengadakan aktiviti-aktiviti

menarik di gerai masing-masing.

Pada masa yang sama, kehadiran pelajar-pelajar pasca siswazah dan pelajar daripada Universitas Tanjungpura, Indonesia juga akan memeriahkan lagi suasana Karnival dan Kolokium Siswazah di PPB.

Kolokium ini akan diselitkan juga dengan slot

pembentangan kertas kerja penyelidikan dalam bidang pengajian bahasa oleh pelajar-pelajar tersebut. Acara ini terbuka kepada orang ramai, pelajar dan guru sekolah dan institusi pengajian tinggi lain. Kemasukan adalah percuma.

Maklumat lanjut boleh diperolehi melalui [www.unimas.my](http://www.unimas.my)